

stát möht / beliben.nũ vnd hie näh Dez frägt ich obgeschribner wilhelm² von end,ain vrtail vmb,do ward ertailt mit vmbgenger gemainer vrtail vnzerworfenlich sid / daz der egenent Gräff h a i n r i c h ⁵ sin gũt vor mals gemachet hetti .dem vrogenanten Gräff Rũdolfen⁴ von Montfort daz ich den.frägen sũlti,ob diss machen / vnd fũgen sin will vnd gũnst wår vnd ob er dz verhengeng welti,vnd welti ez sin will vnd sin gũnst sin,dz denn er obgenant Gräff h a i n r i c h ⁵ die vrogenanten / herschaft vnd Grafschaft als vor ist beschaiden, mit aller zũ gehõrd,, in gemächtez wis vff gåbi in min hant,vnd daz ez denn der egenant Gräff hans¹⁰ von / werdenberg in gemächtez wis im vnd sinen erben enphiengi vnd vf nåmi ,vnd daz ez da mit wol craft hetti vnd och vest vnd stát beliben sũlti,nũ / vnd och hie näh Vnd do dz also ertailt ward,do frägt ich den vrogenanten Gräff Rũdolfen⁴ von Montfort ob disũ sach vnd diss machen sin will vnd / gunst wår ,vnd ob er ez welti verhengeng,der sprach do õffentlich vor gericht,es wår sin gũt will vnd gunst vnd welti ez gern verhengeng,also mit / sũlicher beschaidenhait wåri dz der egenant Gräff h a i n r i c h ⁵ vor Im ab giengi dz denn allez sin gũt an in vallen sũlt nah vrkũnd vnd sag der brief / die er von im hetti vnd dz welti er denn Inne hån die wil vnd er lepti vnd wenn er denn nit wår dz denn dũ obgenant herrschaft als vor ist beschaiden / mit aller zũ gehõrd dem egenanten Gräff hans¹⁰ vnd sinen erben werden vnd gefallen sũlt ån all widerred vnd ån all geverd,vnd do dz beschach do / fũgt vnd machet der obgenant Gräff h a i n r i c h ⁵ von werdenberg von sanegans, ains redlichen vnd vngefårlichen gemächtes, dem vrogenanten Gräff / hans¹⁰ von werdenberg von sanegåns vnd sinen erben die obgenanten herrschaft vnd Grafschaft mit vestinan¹¹ mit lant mit lũten mit zwingen mit / bånnen .mit aller ehafti vnd mit aller gewaltsami ,also mit sũlicher beschaidenhait ,wåri dz er abgiengi ån elich liberben dz denn dũ vrogenant / herschaft vnd Grafschaft als vor ist beschaiden mit aller zũ gehõrd,gefallen .vnd verfallen sol sin dem genanten Gräff hans¹⁰ vnd sinen erben ån all geverd / Vnd håt dz allez getån vnd volfũrt mit miner hant als ertailt ward vnd mit allen sachen Worten vnd werchen,So dartzũ hort vnd notdũrftig wz / als dårumb mit gemainer, vmbgenger vrtail vnzerworfenlich ertailt ward,dz ez wol craft hetti vnd och hån sũlt , vnd och vest vnd stát beliben / sũlti nũ vnd hie näh doch håt der vrogenant Gräff h a i n r i c h ⁵ Im selber vnd sinen erben v̄s bedinget vnd v̄s genomen dũ gũt vnd gũter dũ in von siner mũter seligen an gefallen sint.ez sigint vestinan lant,oder lũt vnd och dũ gũt vnd gũter dũ im Graf Rũdolf⁴ von Montfort gegeben vnd gefũgt / håt ez sigint vestina lant oder lũt wan die in diss gemåcht nit gehõrent / Dirr obgeschribner ding aller ze wårem vrkũnd henk ich vrogenanter / wilhelm² von end von dez gerichtz wegen als mir ertailt war